


Sel Prestuhn Henry B. Eyring
Mwet in Kahsruh Se Met ke Prestuhnsi Se Met



Eklac Mwet Tuhma Lutlut Pwacye

Ke tuhkweni nuhkwea ke kuhfa luhn Leum, oasr suwohs lasr in olwelah nuh sel Pahpah Inkuhsrao lah kuht ac esam Mwet Lahngo ac liyacacng masap Lal pacl nuhkwea tuh kuht in kuh in eis Nguhn Lal in wi kuht (Iiye Moroni 4:3; 5:2; D&C 20;77, 79). Esamuhl uh ac tuhkuh nuh sesr pacl nuhkwea ke ohiyac fal ke kuht eis Inel nuh fwacsr uh. Kuht oruh ohinge ke ohiyac pucspucs tuhsruhk yohk na ke kuht kuhlwaconsuhpuh mwet sahyac ke Inel, riti kajs muhtahl Lal, ac pruhe in etuh ma El kena kuht in oruh.

Sikyak nuh sihk ke pacl se nga tuh oruh pacptais luhn sie mukul fuhsr. Nga etuh lah nga tuh pahng sin mwet kuhlwaconsap akmuhsralah luhn Mwet Lahngo ekihn misi-neri se in luti wosacus Lal ac in fahkwack Kacl ac ke Alu pwacye Lal. Companion ke misineri se luhk ah ac nga tuh olwelah nuh sin mukul fuhsr sac muh el ac fah nwacs-nwacslah ke kuh luhn Iwacslah luhn Jisus Kraist ke el ac auliyak ke luhlalfongi ke Mwet Lahngo uh ac tuh pacptaislac sin sie mwet kuhlwaconsap ma sruok kuh Lal.

Pacl se nga olwack mukul fuhsr sac liki kof in pacptais ke luhlulh sac, el mahmah nuh insrwek, “Nga nwacs-nwacslah, nga nwacsnwacslah.” Ke na pacl sacn, nga esamwack pacptais lal Mwet Lahngo ah sel John Pacptais ke Infacal Jordan ah. Finne yohk liki, nga esamwack lah nga tuh oruh orekma in molwelah luhn Mwet Lahngo sifilpac moulyak ac moul se—tuh kahsrweyuck sin Nguhn Muhtahl, oacna ke John el puhlakihn ac.

Nuh sihk ac nuh sin kais sie sesr, esam Mwet Lahngo uh kuh in yohk liki na in epacl nuh ke mwe acsmak ke etuh lasr ac ma kuht puhlakihn Sel uh. Kuht kuh in oruh sulac-lah lwen nuhkwea ma ac ahkfototoye kuht nuh Yohrohl ke pacl inge uh.

Sulacalah fihsrwacsr se emet uh kuh in pa in riti ma suhmuhslah uh. By doing so, we can gain the feelings of being close to Him. In oruh ohinge, kuht kuh in eis sie puhla muh kuht fototo nuh Sel. Nuh sihk, fototoyang uh wacna tuhkuh yohk na ke pacl nga rit ke Puk luhn Mormon uh. Ke mihnit se emet ma nga riti sapta ke 2 Nephi, ac nga lohng ke nuhnak luhk uh puhsra lal Nephi ac Lehi ahkuhtweyac ke Mwet Lahngo oacna elos in etuh Kacl sifacna. Sie puhla luhn fototo tuhkuh.

Nuh sum, kuhtuh acn ke ma suhmuhslah uh kuh in yohkna ulkomlac nuh Yohrohl. Tuhsruhk lah oyac ac lah pacl ngac kom riti kajs luhn God, ke puhsisac ac nuhnak pwacye in esam Mwet Lahngo, kom ac ahkyohkye kena lom in eis Inel nuh fom ke moul lom lwen nuhkwea uh.

Kena se ingacn ac ekuhllah ohiyacn kuhlwaconsap lom ke Alu luhn Leum uh. Kom ac pruhe nuh sin Pahpah Inkuhsrao ke kahsruh in ahkyohkye finne ma se kom liye muh kunohkohn na srihsrihk se uh. Kahsruh ma kom ac siyuck an pa kuh se ma in muhlikihnkomlac sifacna ac lohacng yohk nuh ke ma Mwet Lahngo El kena nuh selos ma kom pahng in kuhlwaconsuhpuh an.

Nga puhla Pahol ac apkuhran Lal ke kuhlwaconsap luhk yurin tuhlihk nahtuhsr ke nga pruhe in etuh lah ac kahsrweyuck elos in konwacack mislac fuhkah ma wosasuc uh muhkwenah kuh in use uh. Ke kain pacl se, nga tena engankihn in liyeyuck muh sie pahpah oraclah wo, tuhsruhk nga nuhnuh yohk ke oruh ac ohiyacn mouh luhn tuhlihk nuhtihk uh.

Kena se in sang nuh selos suc kuht kuhlwaconsuhpuh uh ma ma Mwet Lahngo Elac kuh in sang nuh selos uh kol nuh ke pruhe suc pa *nguhsr* nuh sin Pahpah Inkuhsrao, ke pwacye ke inen Jisus Kraist. Ke kuht pruhe ke ohiyacn sacn—ke inen Mwet Lahngo, ke luhlalfongi Kac—Pahpah El topuk. El suhpwacma Nguhn Muhtahl in kol, ahkwoye, ac kwacfe kuht. Ke srihpen Nguhn fahkwack pacl nuhkwehwa mwe loh ke Mwet Lahngo (liye 3 Nephi 11:32, 36; 28:11; Ether 12:41, luhan puhla lasr in luhngse Leum ke insiyacsr kwewa, nuhnuhwacsr, ac kuhiyacsr yohkwelihk (liye Mark 12:30; Luke 10:27; D&C 59:5).

Mwe inewowo ke esam lwen nuhkwehwa ac pacl inge uh ac tuhkuh kahkahrhik ac fwel ke kuht Kuhlwaconsuhpwac, mongo ke kahs Lal, ac pruhe ke luhlalfongi ke Inel uh. Ac esam se inge ac taflwekuhtlac in eklac mwet tuhma lutlut pwacye luhn Leum Jisus Kraist ke tohkohsrahi Lal fin facluh se inge—ac tohkoh wi Pahpah Tuhmwac ke facluh wolacna se tuhkuh uh.

LUTI KE PWENG SE INGE

Prestuhn Eyring el kahsrwekuht in esam Mwet Lahngo pacl nuhkwehwa ke in oruh sulacalah lwen nuhkwehwa in fototayang nuh Sel. Yurin mwet kom luti an, sahp kom kuh in riti pruhe nuh ke kuhfa luhn Leum an, ma tahkuhnlah olwelah in Esamuhl pacl nuhkwehwa an (liye Moroni 4:3; 5:2; D&C 20:77, 79). Nuhnkuh in sulih mwet kom luti an in suhmuhlah sie tahk ke ma elos kuh in oruh kais sie lwen in esam ke Mwet Lahngo. Kom kuh in nuhkuh pac in solwaclos in pruhe nuh sin Pahpah

Inkuhsrao ke oraclah wo ac ohiyacn mouh luhn kais sie uh. Nuhnkuh in pruhe kaclos ke ohiyacn sacn pacna.

MWET FUHSR

Esamuhl Leum Lwen Nuhkwewa

Kawuck, orekma, oruh loh ah, TV—puhkantwen na pwacye ma ma enenuh lohacng lasr uh nuh kac. Tuhsruhk wik nuhkwehwa, kuht olwelah nuh sin Pahpah Inkuhsrao lah [kuht] esam pacl nuhkwehwa [Wen Nahtuhl, Jisus Kraist]” (D&C 20:79).

Prestuhn Eyring el fahk lah kuht kuh in “oruh sulwacalah lwen nuhkwehwa” ma kahsrwe kuht esam ke Mwet Lahngo. Nuhnkuh in oraclah sie finsrak ke mahlwem se inge in esam Mwet Lahngo in wo liki met ah ke kais sie lwen. Kom kuh in oraclah sie calendar ac sulacalah sie ma ke kais sie lwen in muhsaheack kuhpahsr lom nuh Sel uh. Prestuhn Eyring el tahkuhnlah ma oacna riti ma suhmuhlah, pruhe ke luhlalfongi, ac kuhlwaconsuhpuh Mwet Lahngo ac mwet sahyac. Oasr pac sihm journal, wi tuhkweni ke Alu, lohng sramsram ke toeni luhlahp, som nuh tempuhl, onkihn on in alu—tahk soko inge som na! Ke kuht esam Mwet Lahngo lwen nuhkwehwa uh, Prestuhn Eyring el olwelah muh “mwe inewowo . . . ac tuhkuh kahkahrhik ac fwel . . . [na] ac ahkwoye kuhtlac in eklac mwet tuhma lutlut pwacye luhn Jisus Kraist.”

TUHLIHK SRIHSRIHK

Yohk Luhngse

Ke kuht riti ma suhmuhlah kuh pruhe uh, kuht kuh in puhla luhan luhngse luhn Pahpah Inkuhsrao ac Jisus uh. Srolwacalah kuhtuh art srihsrihk an lun sie art yohk kuhtuh an. Tuhnwacalah lun sie art an ke kais sie pacl kom pruhe kuh rit ma suhmuhlah nuhtum an. Meac pac kom kuh in oruh in puhla fototo nuh sin Pahpah Inkuhsrao ac Jisus uh?



Luhlahlfongi Sucu
Kahsruh

Apuhnlah ke Luhngse Elos Suc Tuhlac

Pruhe in luthutkihn kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti ac ahkoelah fuhkah tuhlihk muhtwacn nuhtin God nuh ke mwe insewowo ke moul ma pahtpaht uh?

“**M**a pwacye uh pa wacngihn sucu suwohs . . .,” Prestuhn Dieter F. Uchtdorf el fahk, Mwet in Kahsruh Ahkluo ke Prestuhnsi Se Met. “Lah meac elyah oasr ke sucu lom an, lah meac kom enenuh in oruh in ahkwoyelah, muhtwacwacackiyac ac sahflah luhn unweyac an pa luhngse pwacye, luhngse nwacs-nwacs luhn Kraist.”¹

Elos ma tiac fohnohslah in wi ke wosasuc uh, Linda K. Burton, Prestuhn Luhlahp mah luhn Rilif Sosaiti uh, fahk muh: “Pahpah Inkuhsrao el luhngse tuhlihk nuhkwewa Nahtuhl. . . . Wacngihn ma ke acn elos oasr we an—kac kuh sahyacn inkacnek an—El ke elos in fohlohk nuh lohmah.”²

“Ne ohinge [tuhlihk nuhtuwos] kuh in seahkostwen, . . . pacl kom sramsram nuh selos uh, tiac oruh ke kasrkuhsrak, tiac isrlacl, ke sie nguhn in kalyei,” lutyuck sel Joseph F. Smith (1838–1918). “Sramsram nuh selos ke kuhlwacong.”³

Elder Brent H. Nielson ke Mwet Itngucul el sifilpac fahk

ahkuhtweyac lal Mwet Lahngo nuh selos ma eis ipin selfuh 10 na tuhlac sie ah: “Suk nuh ke kom konwacack. Fin ma tuhlac sacn pa tuhlihk mukul nuhtum kuh tuhlihk muhtwacn nuhtum, tamuhlwel lom kuh tahmtahel lom, . . . tukun ma nuhkewewa kuht oruh, kuht luhngse mwet sacn ke insiyacsr nohfohn. . . .

“Lwelah tuh kom ac nga in eis fwackyuck in etuh ohiyac wo emet in ohsun nuh selos ma oasr ke moul lasr uh ma tuhlac ac, pacl enenuh an, in oasr mongfihsracs ac luhngse luhn Pahpah Inkuhsrao ac Wen Nahtuhl, Jisus Kraist, ke kuht luhngse, karihngihn, ac soano mwet suhnuhtaci uh.”⁴

Prestuhn Henry B. Eyring, Mwet in Kahsruh Se Met ke Prestuhnsi Se Met, el fahk: “Nga pruhe ke luhlahlfongi tuh sie mwet nga luhngse in fah suk ac puhla kuh luhn Iwacalah uh. Nga pruhe ke luhlahlfongi lah mwet mukwikwi oacna lipufacn uh in tuhkuh nuh ke kahsruh lalos, na elos tuhkuh.

“God El orwacalah inkacnek in molwelah kais sie tuhlihk Nahtuhl.”⁵

Ma Suhmuhslah ac Koano in Weacng

Matthew 18:12; Alma 31:35;
3 Nephi 13:32; D&C 121:41–42
reliefsociety.lds.org

MWE KAHSRUH

1. Dieter F. Uchtdorf, “In Praise of Those Who Save,” *Liahona*, Mei 2016, 79, 80.
2. Linda K. Burton, ke Sarah Jane Weaver, “Sister Burton, Sister Wixom Visit Church’s Pacific Area,” *Church News*, Eprel 2, 2013, *lds.org/church/news*.
3. *Teachings of the Presidents of the Church: Joseph F. Smith* (1998), 254.
4. Brent H. Nielson, “Waiting for the Prodigal,” *Liahona*, Mei 2015, 103.
5. Henry B. Eyring, “To My Grandchildren,” *Liahona*, Nohfuhmpuh 2013, 71.

Nuhkuh Ma se Inge

Kuht ac kalweni in ahkkahlwemye luhngse pwacye nuh selos ma tiac inese in moulkihn mwe luti ke wosasuc uh fuhkah?